

不得已之苦衷也。

五 陈湜之胆大于身

陈湜老君堂一战，颇形踊跃。陈横戈督阵，炮如雨坠，燃及须眉，而陈屹然不动。后获胜，金服陈之胆大于身。辽阳吃紧，无遣兵往救者。某营官以三千人往，未为敌撼。事后，将军依克唐阿，择尤保奖，部书索招呼费须二万，某营官废然而止。疏上奉批核议，久无消息。庚子义和团之变，想并付咸阳一炬矣。

六 陈景华越狱而逃

广西革命陈景华被逮后，越狱而逃，不知去向。有谓陈精拳勇，尝黑夜至一村，潜入人家菜圃，主闻声惊出，鸣锣号众，邻右纷集，并力攻陈，陈遁去。翌晨事主及邻右谓之曰：“使人人能如尔辈之守望相助，则盗贼不足平矣。”各赏银五十两。事主及邻右咸踊跃欢呼不止。陈剿土匪，至某山，有洞黝然而深。陈曰：“此巢穴也，盍破之。”众趑趄不进。陈弃衣冠，蓐菅为炬，狂呼直入。土匪果惊噪而逃。